



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCXXXII. Confirmatio duorum Brevium Bened. XIII. necnon nonnullarum
Conventionum inter Provincias Galliæ, Romanæ Congregationis
Clericorum Sæcularium Doctrinæ Christianæ init.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

tate expressa fiat mentio, seu iisdem Gubernatoribus, Officialibus, & Ministris, aliisque quibuscumque de observantia, & publicatione prædictis per peculiare mandatum nostrum, & Romani Pontificis pro tempore existentis notificetur, itaut quæcumque huiusmodi in contrarium huius nostræ declarationis, & sanctionis hæcenus proposita, publicata, & mandata, sive in posterum proponenda, publicanda, & mandanda a quibuscumque quavis auctoritate præterquam quod præmissum est, omnia, & singula nullius roboris, ac momenti, irrita, ac nulla, & tanquam non proposita, publicata, & mandata esse, & fore intelligantur.

§. 5. Decernentes easdem præsentis literas, & eis contenta quæcumque semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari; Sicque in præmissis per quoscumque Iudices ordinarios, & Delegatos etiam Causarum Palatii Auditores, ac S. R. E. Cardinales, etiam de latere Legatos iudicari, & definiri debere, ac irritum, & inane si secus super his a quocumque quavis auctoritate scienter, vel ignoranter contrigerit attentari.

§. 6. Non obstantibus nostris, & Clementis Prædecessoris, aliisque Constitutionibus, & Ordinationibus Apostolicis, necnon omnibus, & singulis illis, quæ in dictis Urbani Prædecessoris literis concessa sunt non obstat, ceterisque contrariis quibuscumque.

Datum Romæ apud S. Mariam Majorem sub Annulo Piscat. die 3. Maii 1738. Pont. nostri Anno VIII.

Præsentium
Literarum
firmitas.Derogatio
contrario-
rum.Dat. die 3.
Maii 1738.
An. VIII.

CCXXXII.

Confirmatio duorum Brevium Benedicti XIII. necnon nonnullarum Conventionum inter Provincias Gallia, & Romanæ Congregationis Clericorum Sæcularium Doctrinæ Christianæ init.

CLEMENS PP. XII.

Ad futuram rei memoriam.

EX injuncto nobis cœlitus Apostolicæ servitutis munere, illa, quæ a Romanis Pontificibus Prædecessoribus nostris pro felici, prosperoque Christianifidelium divinis obsequiis sub suavi Religionis jugo mancipatorum statu conservando, illorumque religiosa quiete firmiter stabilienda pie, provideque emanasse noscuntur, ut solidiori robore perennent, Apostolici muniminis nostri præsidio, cum id a nobis petitur, libenter constabimus.

§. 1. Emanavit nuper a Congregatione particulari nonnullorum Venerabilium Fratrum nostrorum S. R. E. Card., nempe Francisci Barberini, Georgei Spinulæ, Leandri Portiæ, Antonii Xaverii Gentili in locum bo. me. Curtii dum vixit ejusdem S. R. E. Cardinalis Orighi nuncupati, subrogati, ac Joannis Antonii Gaudagni, necnon Ven. Fratris Nicolai Xaverii Archiepiscopi Athenarum, uti Secretarii cum voto pariter, in locum Ven. itidem Fratris Petri Aloysii Episcopi Gippinen. Secretarii in causa inter dilectos filios Clericos Sæculares Congregationis Doctrinæ Christianæ Avenionensis Provinciæ Romanæ ex una, & Provinciarum Gallia ex altera partibus vertente a nobis deputata, auditis partibus verbo, & scripto informantibus in secunda causâ huiusmodi propositione rescriptum: ad mentem; Mens est, ut nobis consuleretur pro confirmatione quarundam literarum fe. re. Benedicti PP. XIII. Prædecessoris nostri desuper in simili forma Brevis super unione, & incorporatione prædictæ Congregationis

Doctrinæ Christianæ Regni Neapolis alteri Congregationi huiusmodi Avenionen. sub 28. Septembris 1725. & 16. Junii respective diebus datis annorum 1727. editarum, quarum tenore præsentibus pro expressis, & insertis haberi voluit, plenius continetur, ac pro approbatione Conventionum datarum a prædictis Provinciæ Gallia in sexdecim Capitulis compræhensarum ab omnibus Clericis Sæcularibus de Provincia Romana subscriptarum, prout in eorundem Clericorum Sæcularium utriusque Congregationis nomine supplici libello nobis alias porrectis tenoris sequentis videlicet:

§. 2. Beatissime Pater. Exponunt Sanctitati vestræ Hyacinthus de Bennoit Procurator Generalis Congregationis Clericorum Sæcularium Doctrinæ Christianæ in Gallia, & Cajetanus Cioffi Congregationis Doctrinæ Christianæ in Neapolis Regno consistentis, quam Præpositus Generalis, & tunc Procurator electus Provinciæ Romanæ seu Neapolitanæ itidem Doctrinæ Christianæ, quod fe. rec. Benedictus XIII. Prædecessor vester eidem Congregationi per literas Apostolicas in forma Brevis die 28. Septembris 1725. Congregationem Clericorum pariter Sæcularium Doctrinæ Christianæ in Regno Neapolis consistentem univit, & incorporavit, ut autem in Pontificatu vestro nostrum decus huic unioni accedat, majorque firmitas, humillime deprecantur Sanctitatem vestram iidem Oratores, ut eam pro sua benignitate dignetur novo Brevis confirmare, sanando in primis, quod in ea infirmum esse potest speciatim ex parte consensus Congregationis Gallicanæ, in qua posthac unanimi voce illarum consensus dedit in duobus ultimis Capitulis generalibus Lutetiæ Parisiorum celebratis, simulque approbando, & Apostolica auctoritate confirmando ejusmodi unionis condiciones sequentes, quæ in eisdem Capitulis statutæ sunt de consensu Concilii Provincialis, Rectorum, & Domorum omnium, seu Collegiorum quibus constat Provincia Romana per ipsam unionem erecta.

CAPITULA.

§. 3. I. Congregatio Clericorum Sæcularium Doctrinæ Christianæ, quæ in Regno Neapolis consistit, Congregationi Clericorum similiter Sæcularium Doctrinæ Christianæ in Gallia perpetuo manebit unita, & incorporata, itaut ex nunc, & in posterum unica sit ex duabus, unumque corpus, quod simpliciter Congregatio Doctrinæ Christianæ nuncupetur, Venerabilem virum Cæsarem de Bus Fundatorem, & Parentem agnoscat, & Constitutiones dictæ Congregationis in Gallia consistentis observet.

II. Provincia Romana per unionem istam erecta composita manebit e sex Domibus, quibus tota constabat Neapolitana Congregatio, nempe Collegiis Neapolis, Laureti, Laureani, Sorbi, S. Joannis in Galdo, atque Casertæ, & octo Domibus in Italia ad Congregationem Gallicanam pertinentibus, & a Provincia Avenionensi, ac Collegiis Civitatis Vetulæ, Roncilionis, S. Martini, Ferentilli, Sospitelli, & Ipporegiæ, quæ quidem a Provincia Avenionensi manebunt in perpetuum dismembrata ac dictæ Provinciæ Romanæ attributa, sicuti, & Domus, seu Collegium Romanæ nuper erectum.

III. Provincia Romana ad evitanda tot longorum itinerum incommoda, & pericula, & ne totius Congregationis expensas pro æquali parte sustinere cogatur, neminem mittet ad Capitulum generale, nec Assistentem habebit apud Generalem, nullumque Officialem in Definitorio generali, derogando quibuscumque contrariis, quibus omnibus, & singulis eadem Romana Provincia sponte, & libenter renunciat in perpetuum.

Partes Papæ
eidem suppli-
cant pro con-
firmatione
Capitulum
initæ Con-
ventionis,Unio Con-
gregationis
Neapolitanæ
cum Gallica-
na.Provincia
Romana ere-
cta, Domus-
que ei attri-
butæ.Provincia
Romana ne-
minem mit-
tit ad Capitu-
lum Genera-
le &c.

1738.
Per Generalem visitanda quolibet sexennio.

Penes quos ejusdem gubernium esse debeat.

De Capitulis Provincialibus, & electione Superiorum in eis peragendis.

Vocales Capituli Provincialis.

Præses ejusdem.

Quid agendum unus ex Definitorio Vocalibus si sit abiens.

Quo pacto eligendus Vocalis loco deficientis.

Dispensatio a votis dari possit.

Provincia Romana nullum Breve ad universam

IV. Vivet hæc Provincia sub obedientia Reverendi Presbyteri Generalis, qui sumptibus quidem totius Congregationis eam semel singulis sexenniis poterit, vel per se, vel per alium electum visitare juxta Constitutiones Nostras, qui alius de hac Provincia sumendus erit.

V. Illius Provinciae Romanae regimen erit penes Vicarium Generalem cum suis Consiliariis, Provinciales cum suis priter Consiliariis, & Superiores locales, qui Rectores nuncupabuntur. Vicarii Generalis quatuor erunt Consilarii, duo scilicet Assistentes, unus Provinciae Procurator, & Secretarius unus. His quinque munere sexennali functuris componetur Concilium, quod Italiae Definitorium appellabitur. Provincialis duo erunt Consilarii Ordinarii, duobus aliis insuper assumptis de consensu Ordinariorum, ubi de judicio, aut electione agendum erit.

VI. Singulis triennis mense Majo, incipiendo ab anno 1732. quo loco, & tempore indictum fuerit a Provinciali, Vicarii Generalis nomine, & jussu, Capitulum Provinciale celebrabitur, in quo eligentur Provincialis, ejus Consilarii, & denique Rectores.

In Capitulo autem Provinciali, quod immediate Capitulo Generali proximum fuerit, eligentur præterea Vicarius Generalis, ejusque Consilarii, quorum, & suæ electionis ad sexennium duraturæ confirmatio ad Capitulum Generale, vel ad Definitorium Generale pertinebit, eo modo quo, & Provincialium, & Rectorum, aliarum omnium Provinciarum electionis confirmatio. Provincialis vero, ejus Consiliorum, item & Rectorum electionum confirmare ad Vicarium Generalem ejusque Definitorium pertinebit.

Verum si quis adsit Vicarius Generalis retroproximus ille Vicarii Generalis erit primus Consiliarius, aut assistens natus. Similiter si quis adsit Provincialis retroproximus, ille itidem in Concilio Provinciali erit primus Consiliarius natus: quibus in casibus unus Vicarii Generalis Assistentis, & unus Provincialis Consiliarius duntaxat eligentur.

VII. In Capitulo Provinciali vocem habebunt Vicarius Generalis, Provincialis, & Rectores, qui tamen ob maximam diversorum Collegiorum inter se distantiam, & reddituum tenuitatem voci suæ in Capitulis Provincialibus renunciare poterunt, vel per Procuratorem suffragari, ita tamen, ut duæ tertiae partes Vocalium iis intersint Capitulis, & nemo quovis titulo, vel prætextu, plusquam duo suffragia habere, & ferre possit.

VIII. Capitulo Provinciali, sicut & Definitorio Italiae præerit Vicarius Generalis, eoque vel absente, vel infirmo, Vicarius Generalis retroproximus, si adsit, istoque, vel absente, vel infirmo Assistentis.

IX. Si quem ex Definitorio præsentis vocalibus abesse contigerit, deque gravi negotio agendum sit, alium in absentis locum sufficientem superstitis Definitorii Vocales.

X. Si vero aliquis ex dicto Definitorio vocalis, aut aliquis Rector, aut Provincialis, aut aliquis ejus Consiliarius obierit, aut quocumque modo defecerit, unum ex tribus a Concilio Provinciali extraordinario nominatis in demortui, vel quocumque modo deficientis locum eligent superstitis Definitorii vocales, ita tamen, ut in hoc casu semper sit quinquarius eligentium numerus, quem per electionem complebunt Vocales prædicti.

XI. Dispensatio a votis dari non poterit nisi, vel a Summo Pontifice, aut a Capitulo Generali Definitorio juxta Breve Apostolicum Alexandri VII. datum 26. Septembris 1659.

XII. In reliquis Definitorio Italiae ad Capitulum, vel Definitorium Generale recurrere non tenebitur; Nullum tamen Breve Apostolicum,

quod ad universam Congregationem pertineat, postulare poterit, nisi jussu Capituli Generalis, imo neque aliud spectans ipsam Romanam Provinciam, nisi approbante ipso Capitulo generali, aut generali Definitorio.

XIII. Post Brevis impetrationem conveniet Praepositus Provincialis cum suis Consiliariis Ordinariis, Reverendo Patre Cajetano Cioffi nuper Vicario Generali, tribusque Rectoribus Romanae Provinciae per eos assumendis, a quibus septem Congregatis, eligetur Vicarius Generalis cum suis Definitoribus, duobus scilicet Assistentibus uno Provinciae Procuratore, & uno Italiae Secretario. Itæ autem electiones a Reverendo Patre Generali, ejusque Definitorio confirmatae durabunt usque ad Provinciale Capitulum, quod immediate Capitulo Generali proximum fuerit, in quo Provinciali Capitulo Vicarius Generalis, ac ejus Definitores pro alio sexennio eligentur.

XIV. Quod si benedicente Domino alia in Italia aliquando sit erigenda Provincia, non poterit omnino illud fieri, nisi consulto, & approbante Capitulo Generali, aut si res moram non pariat, neque possit sine detrimento prædicti Capituli tempus expectari consulto, & approbante Generali Definitorio cum consensu tamen consilii extraordinarii omnium Congregationis Provinciarum, & Generalis Capituli sequentis confirmatione.

Quo adveniente, ut nova scilicet Provincia erigatur, ejus Provincialis cum suis Consiliariis, & Domorum Rectores in Provincia Romanae Capitulo eligentur, quod si tunc Vicarius Generalis, ejusque Definitores suum sexennium impleverint, alia fiet electio, & Vicarii Generalis, & unius Assistentis ex utraque Provincia, & Procuratoris, & Secretarii, quorum alteruter ex nova Provincia defumetur, ut sint duo pro qualibet Provincia Vocales.

XV. Deinceps tertio quoque anno in nova illa Provincia celebrabitur Capitulum Provinciale eodem prorsus modo, quo de Provincia Romana dictum est. Præterea mense Aprili immediate ante Capitulum Generale habebitur in Italia Congregatio seu Conventus loco, & tempore per Vicarium Generalem designatis, in qua Congregatione, seu Conventu vocem habebunt idem Vicarius Generalis cum suis Definitoribus, duoque Provinciales cum uno a qualibet Provincia Discreto, qui simul Vicarium Generalem, & Definitores eligent, & ea tractabunt, quæ ad bonum Italarum Provinciarum gubernium pertinere dignoscitur, quæ prædictæ electiones, & acta Congregationis a Capitulo Generali, vel Definitorio Generali confirmabuntur.

XVI. Si autem decursu temporis Provincia tertia erigatur de consensu Capituli, vel Definitorii Generalis, ut supra dictum est, in dicta Congregatione mense Aprili celebranda, eligetur nova Provinciae Provincialis cum suis Consiliariis, & Italiae Definitorio per electionem adjungetur tertius Assistentis, & Fundationum Promotor, itaut in prædicto Italiae Definitorio sint duo pro qualibet Provincia vocales. G. de Benoit Procurator Generalis qui supra.

§. 4. Cum autem, sicut dilecti etiam filii Paulus Guignard Procurator Generalis Congregationis Clericorum Sacularium Doctrina Christianæ in Gallia in locum dilecti etiam filii Hiacinthi de Benoit suffectus, & Cajetanus Cioffi ad præsens Vicarius Generalis Provinciae Romanae ejusdem Congregationis nobis nuper exponi fecerunt, ipsi præmissa, quo firmius subsistant, & inviolabilius serventur, Apostolica confirmationis nostræ patrocínio communiri summo opere desiderant.

§. 5. Nos felici Congregationum prædictarum sic unitarum statui, & commodis, quan-

1738.
Congregationem pertinentem postulare potest in consilio Capituli Generalis.
Officiales eligendi post obitum Breve confirmationis, unionis, electionis &c.

Quid agendum pro electione novæ Provinciae.

In ea quoque cogenda Capitula Provincialia singulis triennii.

Quid agendum quoque pro erectione tertiæ Provinciae.

Eadem Apostolica auctoritate roborari petunt.

Annuit Clemens.

tum

tum Nobis ex alto conceditur, providere cupientes, specialemque eisdem Exponentibus gratiam facere volentes, & eorum singulares personas a quibuscumque excommunicationis, suspensionis, & Interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de memoratorum Congregationis particularis praedictae Cardinalium consilio, praedictas memorati Benedicti Praedecessoris binas literas, ac in eis contenta quaecumque, nec non Conventiones a Provinciis Galliae Congregationis Doctrinae Christianae datas, & a Congregatione hujusmodi Provinciae Romanae subscriptas, ut praefertur; hoc modo: quoad tertium. Possit Provincia Romana praefata mittere ad Capitulum Generale Vicarium Generalem, vel Provinciale, vel Assistentem ejusdem Provinciae Romanae, aut etiam deputare unum ex Provinciis Galliae praedictae: Quoad quartum Praepositus Generalis semel singulis sexenniis possit visitare Provinciam Romanam per se ipsum, vel per alium Graduatam, qui tamen sit de dicta Provincia Romana, haec tamen visitatio durare non possit ultra sex menses. Quoad sextum. Electio Vicarii Generalis, & Consiliorum notificanda erit Praeposito generali. Quoad duodecimum. Capitula praefatarum Conventionum nil novum postulari possit ab hac Sancta Sede, quod pertineat vel ad universam Provinciam Romanam, vel ad universam Congregationem Doctrinae Christianae praedictae, nisi certiorato prius illius Praepositi Generalis, vel Definitorio Generali, & omnia supra dicta servanda erunt, etiam si in Italia novae erigantur Provinciae, auctoritate Apostolica tenore praesentium confirmamus, & approbamus, illisque inviolabilis Apostolicae firmitatis robur adjicimus, ac omnes, & singulos Juris, & facti defectus, si qui desuper quomodolibet intervenerint, seu intervenisse dici, vel praetendi possit dictae auctoritate sanamus.

§. 6. Decernentes pariter ipsas praesentes literas semper firmas, validas, & efficaces existere, & fore, suoque plenarias, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab illis respective inviolabiliter, & inconcussae observari; Sicque in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, judicari, & definiri debere, ac irritum, & inane si secus super his a quocumque quavis auctoritate scienter, vel ignoranter contigerit attentari.

§. 7. Non obstantibus omnibus, & singulis illis, quae in memoratis Benedicti Praedecessoris binis literis concessa sunt non obstat, nec non quantum opus sit dictarum Provinciarum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque Indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores, praesentibus pro plene, & sufficienter expressis, ac de verbo ad verbum insertis habentes, illis alias in suo robore permanens ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 8. Volumus autem, quod praesentium literarum transumptis, seu impressis, manu Notarii publici subscriptis, & sigillo alicujus personae in Ecclesiastica dignitate constitutae munitis, eadem prorsus fides ubique habeatur, quae pra-

sentibus ipsis haberetur, si forent exhibita, vel ostensa.

Datum Romae apud S. Mariam Majorem sub Annulo Piscatoris die 9. Aprilis 1738. Pont. nostri Anno Octavo.

Investitura Regni utriusque Siciliae, & Hierusalem pro Serenissimo Carolo Borbonio Infante Hispaniarum.

CLEMENS EPISCOPUS,

Servus Servorum Dei. Ad perpetuam rei memoriam.

AD excessum Pastoralis officii culmen, meritis licet imparibus eo disponente sublevati, qui cunctis imperat, & cui omnia obediunt, sicuti curis urgemur assiduis, ut Apostolica sollicitudinis partes ad tutamen, & incrementum Dominici Gregis nobis caelitus commissi, quantum cum Domino possumus, diligentius intendamus, sic etiam rebus, & temporibus ita postulantibus, saepe adstringimur ad bona temporalia S. R. E. oculos circumspectionis, & sollicitudinis nostrae dirigere, ut Dominiorum, & Regnorum temporalia jura Sedis Apostolicae sacra semper, & recta tueamur, & nobis eidemque Sedi debitam dictorum Dominiorum, & Regnorum subjectionem more Praedecessorum nostrorum iusta, & opportuna ratione semper, & perpetuo servare valeamus.

§. 1. Dudum siquidem fel. rec. Julius Papa II. Praedecessor noster Regnum Siciliae, & Hierusalem cum tota Terra, quae est circa Pharum usque ad confinia Terrarum S. R. E., Civitate nostra tunc sua Beneventana cum ejus Territorio, & pertinentiis dumtaxat excepta, ad jus, & proprietatem ejusdem Ecclesiae pertinen. & tunc ad ipsum Praedecessorem, & dictam Ecclesiam devolutum, quovis modo, & ex quavis causa illud ad eandem Ecclesiam devolutum esset, aut alias ejus dispositio ad praedictum Praedecessorem pertineret, cum omnibus juribus, & pertinentiis suis clarae mem. Ferdinando Aragoniae, & utriusque Siciliae, ac Hierusalem Regi pro se, suisque in dicto Regno Aragoniae Successoribus, & haeredibus tam masculis, quam feminis ex eo recta linea descendentibus certo tunc expresso modo natis, & nascituris in feudum perpetuum pro annuo censu, & sub diversis conditionibus, modis, formis, adjectionibus, promissionibus, clausulis, cautelis, voluntatibus, & ordinationibus etiam tunc expressis, sine tamen praedictio Juris ipsi Ferdinando Regi alias in eodem Regno forsan competentis, cui tunc noluit derogari, de Fratrum suorum Consilio pariter, & assensu, & ex certa scientia, ac de Apostolica potestatis plenitudine concessit, & elargitus fuit, dictam Civitatem Beneventanam cum ejus Territorio, districtu, & pertinentiis per ipsum Praedecessorem, seu Romanum Pontificem distinctis, seu distinguendis cum eorum incolis, prout illam sibi dudum antea praedicta Ecclesia retinuerat, & reservaverat sibi, & Sedi Apostolicae specialiter reservando, prout in ipsius Praedecessoris desuper confectis literis, in quibus idem Praedecessor inter alia voluit, quod dictus Ferdinandus Rex, & sui in dicto Regno Siciliae cum Terra circa Pharum haeredes, & Successores darent Praedecessori, & Ecclesiae praedictae eorum privilegium aurea Bulla bullatum, in quo proprio juramento faterentur, & recognoscere expresse Regnum Siciliae, & Hierusalem, & totam eorum Terram, quae est circa Pharum usque ad confinia ejusdem Ecclesiae, excepta Civitate Beneventana praedicta cum Territorio, districtu, & pertinentiis suis ex sola gratia, & mera liberalitate Sedis,

CCXXXIII.

Prooemium.

Similis Investitura a Julio II. data Ferdinando Regi Aragoniae.

Praesentium
Literarum
firmitas.

Contraria
tolluntur.

Transumptis
adhibenda
fides.

& Prae-